

# INUIT ATAQATIGIIT INATSIARTUNI



UKA2021/158

13. oktober 2021

Pipaluk Lynge-Rasmussen

**Hong Kongimi nunani tamalaani isumaqatigiisummut tunngatillugu Kalaallit Nunaata nunap immikkoortuatut nangaassuteqarnerata atorunnaarsinneqarnissaa pillugu Namminersorlutik Oqartussat atorunnaarsitsinissaannik Inatsisartut aalajangiiffigisassaattut siunnersuut.**

**(Nunalerinermut, Imminut Pilersornermut, Nukissiutitut Avatangiisinnullu Naalakkersuisoq)**

Siullermik Nunalerinermut, Imminut Pilersornermut, Nukissiutitut Avatangiisinnullu Naalakkersuisoq siunnersuuteqarneranut qujavunga.

Inuit Ataqatigiinni tulluusimaarutigaarput inuit avatangiisillu illersorneqarsinnaasumik sinaakkusersorneqartarnerat peqataaffigisinnaagatsigu.

Umiarsuarnik atorunnaarsimasunik aserorterineq ima pisariaqarpoq avatangiisit inuillu innarlerneqanginnissaat qulakkeerlugu. Hong Kongimi isumaqatigiisut 2009-mi akuersissutigineqarsimasup nunatsinni piujuaannartitsinermik toqqammaveqarluni ingerlatsisoqarnissaa, soorlu tamanna Naalakkersuisooqatigiit atsioqatigiissutigisimagaat.

Naak Hong Kongimi isumaqatigiisut suli atulersimangikkaluartoq, taava kalaallit umiarsuaat 500 BT sinnerlugu oqimaassuseqartut 26-iusunit 24-it isumaqatigiisutip maleruagassaanut assingusunik malinnittussaapput, imavimmut avalakkaangata atuutilertartunut. Nunatsinni amutsiviit, Nuummiittoq kisimi eqqaassangikkaanni, angissutsimikkut inuummata, misissorneqarsimavoq tamanna Nuummut qanoq sunniuteqassanersoq. Paasineqarpoq Nuummi amutsivimmut akisuallaassasoq umiarsuit 500 BT sinnerlugu oqimaassuseqartut isarterneqartalissagaluarpata, taamaattumik umiarsuit 500 BT sinnerlugu oqi-

# INUIT ATAQATIGIIT INATSIARTUNI



maassuseqartut isaterneqartarnerannut inerteqquteqarneq atuutsinneqalerpoq. Inatsimmi immikkut ittumik akuersissuteqartarnermut maleruagassanik akuersissuteqartoqarsinnaanera taamaattumik pitsaavoq.

Siunnersuutip aningaasaqarnikkut allaffissornikkullu sunniutigisassai annikitsuraasussatut nalilernerqarmata isumaqatigiissut pillugu siunnersuut Inuit Ataqatigiinniit taparserparput, aammalu suliaq ataatsimiititaliamut susassaqartumut aappassaaneerneqannginnerani innersuussutigalugu.